

# COMUNE DE PUTUMAJORE

carrera Sac. A. Fadda n. 10 – CAP 07018 – Tel. 079 9142401 – Fax 079 800 155 – e-mail [amministrativo@comune.pozzomaggiore.ss.it](mailto:amministrativo@comune.pozzomaggiore.ss.it)

## ASSESSORADU A SA CULTURA

### **BANDU**

#### **PRO S'ATRIBUZIONE DE ASSIGNOS DE MÈRITU ANNU ACADÈMICU 2019/2020**

#### **1. PREMISSAS E FINALIDADES**

In esecuzione de sa deliberazione de G.C. n. 113 de su 25/11/2020, s'Amministrazione comunale cheret sustènnere su deretu a s'istùdiu de sos istudiantes universitàrios capatzes e chi lu meressent pro permitere de annàghere sos livellos prus artos de sos istùdios, favoressende gasi sa crèschida de su capitale umanu, comente resursa fondamentale pro un'isvilupu chi duret e sostenibile, cun sa cuntzessione de assignos de mèritu premiende sa regularidade de su percursu de istùdios.

Su bandu est costituitu dae sos allegados chi sighint:

- "**Allegadu A**", Dimanda pro s'atribuzione de sos assignos de mèritu;

#### **2. PRESUPOSTOS AMMINISTRATIVOS**

Pro rèndere efetivu su deretu a s'istùdiu de sos istudiantes capatzes e chi lu meressent, s'Amministrazione comunale at prevididu un'interbentu, in s'esertitziu finantiàriu de su 2020 de èuros

3.000.00 de isbursare cun sa cuntzessione de 6 "assignos de mèritu" de èuros 500,00.

Sa Giunta Comunale at aprovalu a manera definitiva sa deliberazione n. 113 de su 25/11/2020 chi sebestat sos rechisidos de mèritu, sos critèrios e sas modalidades de formazione de sas graduatòrias, s'importu de sos contributos pro s'annu acadèmicu 2019/2020.

Custu Bandu est aprovalu cun determinazione n. 359 de su 27/11/2020.

#### **3. SUGETOS CHI NDE BENEFITZIAN**

S'atribuzione de sos assignos de mèritu de sos cales a custu bandu est riservata a sos istudiantes, residentes in Putumajore, chi frequentant cursos de làurea in sas facultades cun sede in su territòriu natzionale, cunforma de pare a pare a sa mèdia de sos votos de sos esàmenes e a sa regularidade de su percursu de istùdios

Podent partetzipare a s'atribuzione de sos assignos de mèritu:

- a. Sos istudiantes chi in s'annu acadèmicu 2019/2020 resurtent iscritos a unu cursu de làurea cun sede in su territòriu natzionale, e chi apant sos rechisidos chi sighint:

- Àere sustènnidu a su mancus 3 esàmenes, pro sos iscritos a su primu annu, intro de s'iscadèntzia de sa *sessione* de s'istiu (31 de trìulas de su 2020);
- no èssere “fuori corso” pro sos iscritos a annualidades imbenientes a sa prima;
- votazione mèdia no inferiore a 27/30;

#### **4. MODALIDADE DE ATRIBUZIONE E LICUIDATZIONE DE SOS ASSIGNOS DE MÈRITU**

**S'importu massimu de assignare a onni beneficiariu at a èssere èuros 500,00 pro onni istudiante.**

**S'at a dare pretzedèntzia a sos istudiantes chi frecuentant su cursu de làurea magistrale. in casu de paridade de mèritu ant a èssere leados a cunsideru:**

1. Nùmeru de sos esàmenes sustènnidos.
2. Sa distàntzia de sa sede in ue istùdiat.
3. No àere leadu in sas annualidades pretzedentes s'assignu de istùdiu.
4. Reditu ISEE relativu a s'annu 2019 prus bàsciu;

S'assignu s'at a dare a unu solu de sos cumponentes de su nùcleu familiare.

S'atribuzione de sos assignos de mèritu de custu bandu, no est cumulàbile cun:

- Bursas de istùdiu intituladas a sas “Sorres Castagna – Cossu” assignadas dae su Comune pro su matessi Annu Acadèmicu;
- assignos de mèritu Regionales;
- bursas de istùdiu ERSU.

#### **5. CAUSAS DE DECADÈNTZIA**

S'assignu de mèritu at a èssere revocadu in casu de:

- a. rinùntzia a sos istùdios;
- b. presentazione de decratziones sostitutive non beras, abarrende firmas sas sanziones penales prevididas dae s'art. 76 de su D.P.R. n. 445/2000.

In sos casos, de sos cales a sa lit. a) e b) chi pretzedint, s'istudiante devet torrare totu su dinari chi at retzidu cunforma a sas modadlidades comunicadas dae s'Amministratzione comunale.

#### **6. TÈRMINES E MODALIDADES PRO SA PRESENTAZIONE DE SAS DIMANDAS**

Sa dimanda de partetzipazione a custu bandu at a dèvere èssere, a pena de esclusione, firmada e ispedida solu cun:

- **mail** a s'indiriztu chi sighit [protocollo@pec.comune.pozzomaggiore.ss.it](mailto:protocollo@pec.comune.pozzomaggiore.ss.it) cun ogetu: “Domanda per l'attribuzione di assegni di merito A.A.2019/2020” **iscadèntzia 22 de Nadale de su 2020.**

A sa dimanda at a dèvere èssere allegadu;

1. còpia “fotostatica” de unu documentu de identidade;
2. autotzertificatzione cun sos esàmenes sustènnidos e sa votazione relativa;
3. autotzertificatzione da in ue resurtet su rèditu ISEE annu 2019 (netzessàriu pro sa graduatòria in casu de paridade tra sos rechedentes);

4. declarazione dae in ue resurtet chi sos candidados non sunt istados beneficiariis de: bursas de istùdiu intituladas a sas "Sorres Castagna – Cossu" assignadas dae su Comune pro su matessi Annu Acadèmicu; assignos de mèritu Regionales; bursas de istùdiu ERSU.

Custas declaratziones ant a èssere averiguadas de ufitziu in antis de s'assegnazione de s'assignu de istùdiu;

S'Amministrazione comunale podet detzidere s'esclusione de sos candidados in casu de:

- a) dimandas sena sa firma "autografa" e sa còpia "fotostatica" de su documentu de identidade;
- b) dimandas presentadas o imbiadas a fora de su tèrmine apostivadu;
- c) farta de sos rechisidos.

Totus sas dimandas imbiadas pustis de sa data de iscadèntzia o imbiadas cun mèdios diferentes dae sa posta eletrònica ant a èssere esclusas dae sa protzedura.

## **7. PUBLICATZIONE E INFORMATZIONES**

Custu bandu est publicadu pro estratu in su giassu de su Comune de Putumajore <https://.comune.pozzomaggiore.ss.it>.

Pro informatziones de òrdine generale (e non pro acraraduras subra de su bandu) si podet cuntatare su responsabile de su protzedimentu cun una "mail" a s'indirizzu chi sighit: [amministrativo@comune.pozzomaggiore.ss.it](mailto:amministrativo@comune.pozzomaggiore.ss.it)

## **8. TRATAMENTU DE SOS DATOS PESSONALES**

Abbaida "informativa" allegada.

Putumajore su 27 de santandria de su 2020

Pro su Responsàbile de su Servìtziu Amministrativu  
dut.ra Giuseppina Fara

Firma autografa omitida cunforma a s'art. 3 de su D.lgs. 39/1993